

Opuscula

Opuscula

CRYSTALLVS
Militanti Ecclesiæ
Triumphales accendens ignes,
D. THOMAS
AQUINAS,
DOCTOR ANGELICUS.


Recurrente annuâ suæ Festivitatís luce,
In Basilica Cracoviensi SS. TRIADOS,
Inclyti & Augusti Ordinis Prædicatorum,
Profundo cultu & Votivâ Svadâ
in publica Magnorum Hospitum Corona

A
M. MATTHÆO JOSEPHO KOLENDOWIC,
In Alma Universitate Cracoviensi Philosophiæ Doctore,
Pœseos in Classibus Novodvorscianis Professore, Scholæ
ad Ecclesiam Collegiatam S. ANNÆ Seniore.

OSTENSUS.

Anno, qvo

Mæror Deters V's CrystaLLô & f V's V's ab Orbe.
DIE VII. MARTIJ.




CRACOVIAE,
Typis Francisci Cezary, S. R. M. Illustrissimi & Rndissimi Domini
Episcopi Cracov: Ducis Severiæ, necnon Scholarum Nouodvor-
scianarum Ordinarij Chalcographi.

JN GENTILITIA ARMA
Illustrissimæ Domûs
G R O D Z I C C I A N Æ.



CRVX SOLEATA nitet, binis hinc inde SAGITTIS,
Arma scias certò tanta, trophæa dare.
Eminet his fulgēs pulchrè GRODZICCIA virtus
Quæ, par pro Patria est, stringere proq DEO.
Hostis quòd Lechiam Victricem victus adoret,
Sic armata Domus, dat documenta Virûm.

ILLVSTRI ac MAGNIFICO DOMINO,
D. ALEXANDRO IOSEPHO
De Domaszewice & Grodzisko
G R O D Z I C K I.
DAPIFERO CIECHANOVIENSI,
Domino, ac Mecænati Amplissimo.

 *R*ystallus THOMAS umbratilis facundia coloribus depictus, cum in lucem publicam prodit, sub Tui Nominis Auspicijs gaudet videri. Illustris & Magnifice Domine. Novit equidem splendentes Domus Tuæ radios, & Heroicarum virtutum jubar; harum, ut eò magis in mundo niteat, pingi coloribus exambit. Novit Gentilitia Arma, intra Orbem Sarmaticum gloriose micantia; ab his, quò securius triumphales accendat ignes, contra adversantium tela præsidium & tutelam poscit. Non vano quippe omine in Gentilitio Domus Tuæ Insigni, aurea Crux radiat; quâ præfulgente, certissima Patriæ salus, Ecclesiæ integritas prominet. Rigente ferro ducta Solea, Solidam notat fortitudinem, cum in hostes ruendo, fausto pede Martis Olympia decurristis, & gloriose colla hostium calcâstis. Geminae quid velint Sagittæ? nisi quòd vel in hostem ferantur, vel latus nudum feriendū pro Patria in Vobis reperiant. Ne paradoxum loqui videar. Illum nostrò seculò (ut cætera mittam; Magnis nempe vestrum enumerandis cum debito elogio Nominibus, nec ingenij mei ausus, neq; hæc pagina sufficit.) Illustrissimū CHRISTOPHORVM GRODZICKI Castellanum Camenecensem, sub tempus belli Suetici Virum dexterrimum dum nomino, Martem veneror. Hic obsidione cinctam Leopolim tam strenuè defendit, contra immensas Cosacorum turmas, ut hostem reprimendo, Urbem omni metu solveret. Pa-

ri Armorum & Animorum dexteritate certavit Par Nobile
Fratrum; alter Germanicarum Ductor Copiarum; alter Ge-
neralis Rei Armamentariae per Regnum Praefectus; uterq;
GRODZICIVS, & in Militia Polona emeritissi-
mus; quorum eximia virtus inter Martiales ignes, in oppu-
gnando Thorunio Suetica potentiâ munito, emicuit. Le-
gerunt felicissimè victoriam sub Gentilitiae Crucis labaro;
Soleæq; calcaneo ibant triumphantes, cruenta relinquendo ve-
stigia; quibus Magni insisterent **GRODZICII**. In-
gressus hæc suo Nomine Maior **IOANNES**, Pincerna
Sanocensis, acerrimus Equitū Hastatorum Coriphæus, Tuus
Magnifice Domine Magnus & Te dignus Genitor; cu-
ius dotes animi inter arma spectatæ, mens bellō enutrita, ea ges-
sit, quæ digna fastis, digna forent & memoriâ seculorum. Be-
ne meritis de Patria, quod ultra Tyram, Boristhenem, Mæo-
tidem, Gentilitia Arma secū gloriosè circumtulit, melius; quod
Martiam & dignam reliquerit sobolem; quæ Magno Parente
nata, magnorum Ducū Victricibus sese iunxerat signis; ut non
minorem in Arena Gradiui mereretur famam. Vivit, etiam post
fata superstes **FRANCISCVS** Pocillator Podoliæ,
Vir omni memorandus ævo, partim in Fraternali pectore, par-
tim in vivo suæ Virtutis simulacro Filio, **VINCENTIO**
Pocillatore Zakroczymsi, Herodæ Magnanimo; cu-
ius Nomen triumphans, Animus bellator, totus Martem spirat;
vis ingenij & infracta fortitudo gloriosam ubiq; præfert vi-
ctoriam. Loquuntur expeditiones publicæ **VINCEN-
TII** in Armis felicitatem, Actus publici dexteritatem, quâ &
Supremis Exercituum Ducibus carus, & omnibus amabilis. Vi-
vunt in memoria Poloniæ bellaces animæ, **IOB STANI-
SLAVS GRODZICKI** Iudex Exercituum Re-
gni, excelsa mente & Heroicis Actibus incomparabilis: for-
titudine bellica Agamemnon, Consiliō Nestor, æquitate Aristides;
cuius incorruptum Iudicij Tribunal, sub Clava Magni **IA-
BŁO-**

BLONOVII, eò venit pretij, ut ei in perpetuum gloriæ
 & honoris censum sufficeret. **DANIEL**, & **CASI-**
MIRVS spectatissimæ inter Arma virtutis, quorum alter
 ausu Heroico, inter Turcicos Scythicosq; Acinaces, Gentilitiæ
 Crucis deferendo labarum, sat ex hoste triumphavit, cum
 gloriosè occubuit; obicem hosti ponendo, nè in Patriæ viscera
 irrueret. Parem animi præfert Magnitudinem, & calentem
 ad Arma spiritum, etiam in provecta ætate nihil de Marte remit-
 tens, **THEODORVS** Dapifer Sochaczewiensis.
 Verum inter hos præclaræ virtutis Macedonas, Tu **ALE-**
XANDER, Magnifice Domine. Indolis egregiæ,
 & magnorum capacis, statim à teneris indicia præbuiſti. Flo-
 rentem tui ætatem singularis favor & gratia Serenissimi
IOANNIS III. Regis Poloniarum, ad se traxit &
 allexit, vel ipso Nobilissimæ stirpis titulò, quem Regalis Pur-
 pura inter sui sanguinis non erubuit nexum. Terribilissimo hono-
 ris & fortunæ nitore fulgebant cum Avita tua Arma, trium-
 phali Clypeo adhærentia. Omnem adversæ fortunæ aleam
 triumphavit Crux; fausto gressu, quaquà ibat, Magni No-
 minis vestigia fecit Solea; sublimis metam honoris attingere
 visæ Sagittæ, cum sic victorioso Invictissimi Regis uni-
 rentur Scuto. Magnus hic rerum Arbiter Poloniarum &
 Stator, vidit in Te solidum ingenium, maturum iudicium &
 adamavit; Gordios perplexitatum Nodos Tibi committendo,
 optimè gnarus; quòd nemo illos meliùs solvere posset, Te **ALE-**
XANDRO. In omnibus ita circumspectus, ut ob spectatâ
 in rebus agendis dexteritatem, cordi Principis & delicijs esses;
 & summorum in Republica Virorum summam æstimationem
 merereris. Inde Tibi crevit honor, inde Nominis & gloriæ
 amplitudo. Ablegatus ad Consilium Magnum Lublinense, in
 arduis Regni negotijs, magnitudinem Animi, firmis & sanis ex-
 plicâsti rationibûs, quæ vel ipsæ in columnen labentium rerum
 sufficerent, si bene sentientium vota, inter Arma pondus habe-

*rent. Victoricibus Magne Tuae Prosapie Armis, triumphalem
 infudit lucem Illustrissimus PODVELSIORVM sanguis, sacro
 connubij federe, tedeas Hymenæi Tibi accenders. Nobilissima
 hec Familia quantum apud Serenissimos Galliarum Reges, quan-
 tum apud Augustissimos Cæsares meruerit; innuisse satis; cum
 illorum Regni, inter æstum belli, conservando florem; horum
 fortune Onerariam per sanguineum Martis vehendo pelagus,
 Generalissimi sæpius feliciter teneret Regiminis Clavum. Hinc
 Nobilissima & publicè gestis honoribus clarissima CHWALI-
 BOGORVM, GLEBOCCIORVM Familia, laudi sibi duxe-
 runt, connubiali nexu cum hac Familia sociari. Cessit in illu-
 stre gloriæ Domus Tuae, STEPHANVS de Iañowice CHWA-
 LIBOG, Camerarius Xiaznensis, Vir Sagò Togâq; clarus, in-
 genio, eruditione, & Oris facundi gratiâ felix: cessit & SAMV-
 EL GLEBOCKI Militaribus adoretis & excelsò Animò prestans;
 quibus Cordis Tui delictum, lectissimas Filias, utramq; Corne-
 liam, in vitæ Socias concesseris. Assurgit honori Tuo Heroica
 Virtus Natu Majoris, Meritis Maximi, Filij JOANNIS;
 cuius generosa Indoles quantum Marte, quantum innata dex-
 teritate Animi, in publicis Regni meretur Actibus, tantum
 Tibi gloriæ accedit Lechiæ Camillus Magnus SIENIAVIVS, in
 hoc tenero adhuc lulo, ad aulam suam degente, vidit pruden-
 tiam suis annis maiorem; moxq; ad honorificas accomodavit
 spartas. Spectasti felix Anchise Æneam gaudens, cum in Con-
 gressu Palatinatûs Cracoviensis, alijs ad stuporem, Tibi in so-
 latium gloriôsè munus perageret; rem sui Principalis efficaci-
 ter promovendo. Crescit hæc amplius generosa, intra Cracij
 Academi lucos, in herba spes; certissimum olim Patrie, & Eccle-
 siæ presidium, Gentilitijs Armis allatura. Quibus etiam Crystallus
 THOMAS, triumphales Militanti Ecclesiæ accendens Ignis, alle-
 ctus, hinc splendorem, hinc tutelam poscit. Qui cum splendeat
 iam intra Triumphantis Ecclesiæ lumen, hoc quoque Eius en-
 comium laudis, inter Arma Tui radiantia, locum sibi concedi
 exambit. Sic Ille clariùs & securiùs in Orbe nitebit; sic & Tu
 inter Illius Triumphos adversa quæq; vinces; & inter Illustissi-
 mos in Republica fulgebis honores; quos Tua Tuæq; Illustrissima
 Domus virtus meretur, & ego precor.*

ILLUSTRIS & MAGNIFICÆ DOMINATIONIS VESTRÆ

*Addictissimus Client & Servus
 Author Operis.*

ORATIO.



Spatiosa terraquei globi figura, stupenda rerum varietate, sese circumagens, exploratorem animum & oculum, insolita quadam admiratione involuit. A.A. Extra Copernici sententiam crediderim, circularē Terræ inesse motum, quò captum intellectûs humani vel effugit, vel raptum in stuporem trahit. Amplum hæc sui amphitheatrum nacta, visui stupendas in Elementis, Elementatisq; aperit Scenas, intellectui non satis capiendos producit naturæ Actus. Hinc videre est, perspicaces Aquarum lymphas, alibi flammis accendi; alibi medios inter Syrii æstus congelascere; hic inter hybernum gelu, & Boreale frigus, non constrictas calorem evaporare, atque vario symptomatum genere languidis mederi. Aliis turritas moles, & spissa æris pondera, innatâ gravitate amissâ, innatare; aliis, quidquid injeceris etiam plumosum, lapideo cortice obductum & gravatum spectabis. A tenui fontium defluxu, in vasta Neptunia Regna iret curiosior pupilla, allecta purpureo Amethysti, igneo Chrysoliti, nitido Erythrææ gemmæ colore, variisq; rubri muneribus Ponti; ni à longe prospiceret recurvos Mæandros, tortuosos Eurippos, quorum vagum & refluxum cursum subtilissimi Stagiritæ antequam percipiant, sorbentur. Ergo ex fluido aquarum Elemento in Aridam, Oratoriæ libet devolui periodo; post sinuosos Pelagi vortices, terræ sinum, & prægnantem fæcundo naturæ partu, Telluris uterum, liceat penetrare. Circumfuso pendens in aëre Tellus, quâ se sublimi montium cacumine attollat, qua hiantes specu cavernosisq; latebris demittat, susq; deq; reperies, quo intellectum stupore captivet. Profundius enim hic illapsus inter Telluris operta, non statim ad apertam devenit cognitionem; quomodo æris Corinthiaci copia, Persicam efficiens gazam, ex abstrusis terræ defluat venis! & prodigiosa naturæ messis, auream in

B

Lydia

Lydia ferens sementem, qua ratione sit fulua telluris massa! Antra petens, in ipso limine stupens hærere cogitur, cum inter Dodonæ lucos, ubi horrendas canit ambages Sibylla; & ubi Tros Anchisiades carissimi Genitoris visurus ora, aureum in opaca arbore ramum decerpendum, (*quò avulsò non deficit alter, & simili frondescit virga metallo*) in cultum Triviæ deferendum, à Deiphobe edocetur. Quid proferam apertas voragines! atri Ditis ostia, sulfureum halantes ignem, Vibes & Regna obsorpturas, ni faucibus suis in gratam cedant Victimam, Heroum Genus Curtij. Sed iam nimis in profundum devoluta Oratoria periodus, altius eluctetur, & superas evadat ad Auras, excelsa ipsi rerum naturæ suggeritur materia. Haud mora! montibus iam oberat, mittit Pelion impositum Ossæ, novum Gigantomachiae propugnaculum; præterit ubi Titania pubes Enceladus, flammivoma gemat sub Æthna. Volupe est nivosis Alpium consistere jugis, non quâ parte Pœnus Annibal, scrupea Saxa sanguineo macerabat liquore: sed ubi pars montis prærupta & præceps, hiant ore, fecundum Cælò bibit rorem, & ex nivosa glacie purissimam efformat & servat Crystallum. Invia huic natura posuit cunabula, nè facile reperiatur, quod miro sui artificio produxit. Inter Cautes asperas; cavendo, nè facile ausus mortalium, tam cultum temeraret opus. Cælo propiorem dedit locum, vel quod Crystallus Cælo digna sit, vel quod radiante Sole, non nefasto Promethei ausu cælestem terris accendat ignem. Tantæ virtutis & eminentiæ Crystallo intensam & immersam, dum in Divinissimum THOMAM, Angelica puritate conspicuum, Phæboq; radiantem, reflecto pupillam, Crystallum video; eò celebriorem, quò fervidiùs triumphales militanti Ecclesiæ accendentem ignes. Permittes ô Divinissime, Te hodie Crystallum à me prædicari, utique non illam, quæ evanidis mundi intertexta Vasis, inter laquearia nitet; sed quæ Crystallino recondita Cælo fulget purissima. Patieris, quòd suis coloribûs orbâ, & incultâ verborum svadâ, Te depingere præsumat Orator; à Te enim cultum & nitorem sperat. Quem cæcutientem iam in splendorum tuorum immenso, gratiæ
tuæ

tuae levabis radio; & quod radiante Phæbo contingit; ut obscura & ignobilia videantur splendida, mihi meaq; tribus dictioni. Congelascens in Eloquentia facundia, facile aptabitur in materiam Cryſtalli, vos ſerenum benevolentiae veſtræ date Phæbum, triumphalis videbitur ignis.

Vix Cryſtallum THOMAM obtutibus veſtris producere intendo, locus ipſe, & altior ſuggeſtus Cathedræ, amplam & aptam huic ſuggerit Materiam. Sublimi Cæliſq; vicino cacumine Montium, quales eniti Cryſtallum ſolent, me ſtare videor. Sacra nempe DOMINICI Religio, Mons excelsus eſt; Cælos attingit, imò intra ſe ambit; utrumque veriùs torquens axem, quàm Libycus olim à Solio in Solis ſphæræ baiulum montem ſtupendâ metamorphoſi diductus Atlas. Non invidemus iam Theſſaliæ Olympum, ita Cælis inferre Cacumen, ut detractis Cælò ſideribus, ampliato radiet lumine; ita quâvis nube diſcuſſâ, inter lucidum æthera eminere, ut in formam ſidere abire Cæli, veterum erronea aſſertione dicatur. Candidiſſimus Dominicanæ Religionis Ordo, cui à virtute candor & celſitudo, à probitate fulgor & claritas, Cælum in ſe quodammodo transferre videtur. In quo Sanctitate eminentes, cultûs Divini zelò igneos, elevato ingenio claros, virtutum & ſcientiæ igniculis ſcintillantes Viros, Stellas imaginor; THOMAM Solem dixerim, ni ſe Cryſtallum probaret. Et iam prominet ab alto totus niveus, totus eburno transparens colore THOMAS; hunc ſi Cryſtallum videre quæris? cognominem oculi humorem, cum ſagace pupilla, in Aquinaticæ Domûs penetralia funde. Cogita Thronos, purpuras, faſces; infer te ſublimi Regum Siciliæ folio; ſuſpice auratas Celſiſſimæ Ducum Arragoniæ Domûs trabes? Montes vidisti. Illuſtriſſima Aquinatum Familia dabit humorem; & cæleſtem clementiora deſuper inſtillabunt Aſtra. Nitorem, non hoc quod India mittit, ebur; nec Parium marmor, nitens inter anguſta laquearia Domûs, ſed concinnæ & Cælo cognatæ Virtutes depingent.

Sic dum acutiùs curioſior pupilla ampliat viſum, Theodora cæleſte hoc opus & donum DEI, intra ſua viſcera

regit, abscondit in aluo; ignara prætij fætûs sui; montium more; qui aureo prægnantes metallò. quid intra uterum sui capiant, non capiunt. Nondum Matri, quid involutum gestaret uterò Lucina revelat, & iam Bonus Anachoreta Orbi elucida. Eluco nemorumq; recessu prospicit, quòd Celsissima hæc Cyprus, quam non magis Siculæ, quàm Aquinaticæ alluunt aquæ, intus alat Crytallum, ignes olim triumphales accensuram. Date sensum Auditores de Bono? quis melius poterat præscire locum, quo Crytallus oriretur, si non solitarius montium & nemorum Incola? Cavernosam inhabitans specum, profundum se in speculativis ostendit; in eremitica Cellula, quasi in Celarent directè probando, ex præmissis sui Vaticinij, veram sequi THOMÆ in mundum illationem. Vnicum est, quod difficultatem parit; Crytallus THOMAS, est Obiectum scientiæ speculativæ Boni, ergo Ens rationis. Soluit dubium Theodora, explicando felicem non ingenij, sed uteri partum; tam facilè & Auspicibus Diis, quàm optimo Boni augurio erat prædictus. Tacete fasti fatidicas Dodonæ Sylvas & Sibyllarum folia! hæc iam excussa, illæ in nemora Boni devolutæ, suum illi cessere tripodem, cuius Augurium, quævis Oraculorum excessit commenta.

Vix Puer benigno Lucinæ receptus sinu, THOMÆ nomen adeptus; ut vel ex ipso etymo pateret, Crytallum sine præruptis montium, & quadam abyssò, nec nasci nec nosci. Augustam illius Corpusculi Majestatem, quam frons geminis cultè micans ocellis, vultûs liliati decor, niveum collum, & mentis candor pingebat, purissimam diceres Crytallum. Neque tamen sensim & latenter in virtutibus crescebat, sed subito magnus. Rupit infantiles, quibus involutus erat, fascias, ut naturam præcurreret. Pendens ab ulnis lactantium, conspicit schedulam Angelica salutatione magis, quàm sua albedine candidam, mox abiectis crepundis, spreto verborum lenociniis, totus in terram proruit, hanc exambit, hanc complectitur. Novit bene sacer Pusio, non inter nutricum blandimenta, sed inter humidum à Fonte Signato deriuatum, Crytallum conservari. Non in de-
lica-

licato sinu Cypridis, sed in sacro Monte Libani, inter Alpes avernali inaccessas Annibali (MARIAM intelligo) securam haberi. Nec iam admirabundus suspicio avida THOMÆ Viscera, quibus Mare Gratiarum absorbeat, & electam ut Sol, intimo Cordis amplexu teneat. CrySTALLUS erat; nè aliquando deficeret, debuit humorem à Mari Gratiarum in se deducere. Triumphales olim ignes accensurus erat; debuit suum pectusculum Mystico ardere Sole. Hic me stupor tenet! quomodo Pusio Gigas Montem sacrum in sua viscera transfert! hanc, quæ ante colles parturiebat, suò claudit utero! O THOMA verè abyssus! quis tuam eminentiam videre non poterit? qui hanc, quæ exaltata est quasi Cypressus in Monte Sion, es complexus? Iam securè novam meditaberis Gigantomachiam, contra hæreseos monstra, Turri Davidicâ munitus.

Crescit ad unum lustrum in Illustrissima Domo, sed tempestivè cogitat; quomodo inter alta fastigia fastum mundi effugiat. Favent piis desideriis Superi: in àéreos Cassini montis colles devolvitur CrySTALLUS, ut fumosam inficientis mundi evitaret auram. In nitido Parij Marmoris pavimento, cavet sibi & pavet, nè vitiorum scabrum & vomicam contrahat. Regiam, quæ fuerat clara micante aurò, flammæq; imitante pyropo deserit, quia non Solis erat; præmaturo passu desertæ petit, optimè gnarus; omnem calorem, qui inter mundanos ignes producitur, Crystallo nocere. Assurgit Mons Cassini suâ iam eminentiâ maior; frigidæ regioni iniectum verticem, in venerationem THOMÆ demissurus, nisi sciret, in frigido securiùs locari CrySTALLUM. In Cassinensi Parnasso cum unâ & alterâ eruditur Olympiade, supremum mente pia scandit Olympum, iterum ac iterum repetendo: *Quid est DEUS?* Quid agis ò THOMA? Abyssum aperis, dum sic sublimia tentas! infrà Te demitte? remissiùs agas in his? quæ olim tuo elevato suberunt ingenio? Interim CrySTALLINAM Vitam tuam, rigido austeritatum gelu meliùs consolida, flagranti devotionis spiritu excoque, Vultum frigidâ palloris macie constringe; tempestivè tela ad retundendam Idalii pueri telorum vim provide, nè te amplius im-

pētat: alioquin arcem pudoris tui involaret & violaret. Profectò THOMAS inter continuos labores, vigilias & virtutum exercitia, sic piis in DEVM orationibus elevatus, ut virtus se ipsam miraretur, quòd supra corpus esset, & montis amplitudinem excederet. Mittit ergo non tam exes carie & nivofò faxò, quàm sui puritate candidum Montem Cassini, iam Cælo digna CrySTALLUS; in littus Hypocrenes Neapolitanæ transfertur, haustis à Phæbo radijs sese probatura, num possit iam triumphales accendere ignes? Descendit ab alto Musarum Cohors, suum veneratura Apollinem. Altiùs erumpunt Castalij fontes, dantq; murmure plausum, quòd à modò iam dicerentur CrySTALLINI. Cæteri Campaniæ colles altiùs assurgunt, insolitæ pulchritudinis CrySTALLUM spectaturi, vel si intra se descendere vellet, recepturi. Ast purissima CrySTALLUS, confert se in frondosum Parnassi cacumen, ubi agitante Phæbo Musæ calefcunt, optimè callens, sic calentem sibi prodesse Phæbum. Cætum ingressus Castalidum THOMAS, mox in illo virtutum apex, Angelicæ castitatis excellentia, Divinæ Sapientiæ maiestas sic enituit, ut totus nix, totus puritas & candor spectaretur. Non iactet amplius Ida, ortam sibi cum Iove claritatem; Delus non ostendet serenum cum suo Phæbo meridiem? Neapolitanus Helicon, famâ THOMÆ clarus, CrySTALLUM æternitati loquetur. Sed ô pulchrè nitens CrySTALLUS, iam satis inter mundi valles delectasti oculos intuentium! quo pulchriùs micare possis, in secretas & religiosas, te demitte Vmbras? Nosti equidem, faciem nocte sub obscura, magis videri luminosam! Carbunculum in Vmbris magis ignescere! Sulfureo igne fumigantem, proximè time Vesuvium! ne CrySTALLINO nitori tuo aliquam fuliginis inurat notam. Aureis onerata vasis, Illustrissimæ Familiæ non te trahat Abacus? cultior nitebis in Mensa Domini CrySTALLUS. Ardentes in Solio Maiorum ceras, accedere vel accendere ne cogita? Sol utique major, dum in Occasum vergit.

Nec diu quid faciat, pingit variante colore faciem, ad faciem DOMINICI clarere exambit. Concolor Candidis.

diffimi Ordinis virtus & habitus, Crystallinum ad se traxit THOMAM. Videat Orbis & invideat! SS^mi Ordinis Prædicatorum excellentiam! quòd nihil in se foveat vel recipiat, nisi candidum, nisi Crystallinum. Sacris pij recessûs latebris illatus, mentis eburnæ & Vultûs maiestate, cui Cælestes insedere Charites, eminens; iam inter homines major homine, & cum Angelis numerandus. Candidiori induitur veste, ut se à mundi contagio immunem testaretur. Sic totus intus & extrâ pulcher THOMAS, non tamen omnibus placet. Illusioni & maculæ datum purpuratæ Familiæ eiusmodi colorem, allegat Patrens cum Fratribus; moxq; furoris illuvie motæ & turbatæ Aquinatum aquæ, in limosum transformantur cænum, ut Candidissimi Ordinis Cænobium, convitiis, probris, & futili spurcitie, qualem vix ipse Stygius volveret amnis, fædarent. Tam uliginosum Gentilitiarum Aquarum fugiendo lutum, pergit in Lutetiam Crystallus THOMAS: sed proh dolor! in Lernæam maternæ indignationis incidit paludem; ex qua biceps gemino fratrum furore eruperat Hydra, in Diviniorem hunc Alcidem tetras iniiciens manus, Captus igitur, in triste squalidi carceris detruditur ergastulum. Undique angustis cinctus; hinc pallet inter arma furentium, illinc fuliginem in squalido timet. Redditus tamen sibi; Crystallum se reminiscens, algidi carceris antrum, sibi non disconvenire. Vnde non à loco, non ab algore sensit contrarium, sed à Theodora. Hæc Sanctam pertinaciam, cum precibus & stillante ab oculis lachryma emollire non possit; tota furore scintillat, & dirasciet corde minas. Triste Saturni induens supercilium, dentibus frendet; innocentem Iovem devoratura. Ore fremente spumat, fædam elaborando Venerem, cuius ope, Crystallus THOMAS vel diffunderet, vel nitorem Sancti propositi despiceret. Errasti Theodora! Siccine fragilem putas Crystallum THOMAM? ut admoto Paphiæ igne, statim creparet! Glacialem crede? ad cuius humidum frigebit Venus, imò tota igne libidinis accensa suffocabitur! dubitas? en res experimento constat. Attende, quanta sit Crystalli

cum igne Venereo pugna? in carcere THOMAS, quasi in
CrySTALLINO Cœlo; infra ipsum est fatuus Veneris ignis, &
Capra saltans. Vel si Acidalò circumfusam dicis? Crystal-
lus radiante calentior Phæbo, contrarios accendit ignes.
Et iam totus exæstuans, è spuma natam, ardenti titione,
acsi Tridente Neptuni everberat; torre quatit, ne amplius
vel in minimo lasciviæ torrente intumescat. O admirandæ
virtutis CrySTALLUM THOMAM! o factum pæne incredi-
bile! Glacialis CrySTALLI nitor, ab ardenti Cupidinis Vesu-
vio non liquefit! ignis radiante elicitus. Phæbo, à diffu-
entium voluptatum tempestate non extinguitur! Relinque
iam squalidi carceris antrum Divinissime THOMA? pu-
riorem CrySTALLUM exambit te videre Sol; ut in virtute tua
triumphales accendat ignes. Si intra Carceris rupes, non
rumpis moram? descendunt Cælestes Intelligentiæ, auratam
ferentes Zonam; Cælum quoque ipsum in triumphalem
tibi inflecterent Coronam, ni iam Angelicâ Castimoniâ
appareas coronatus. Vnicum superest! eiusmodi pompam
triumphi Orbe circumferas, quem iam cælestes genij su-
per æthera canunt.

Liliis insignitus THOMAS, Coloniam tendit Agrip-
pinam; ibi pro Laurea, quæ immortalem eius notaret Vi-
ctoriam, certaturus. Arrisere CrySTALLO cognata candore
Parisiorum Lilia; nunc ore patulo, cælitus attrahendo ro-
rem, quò CrySTALLUS delectaretur; nunc fusè explicando fo-
lia, novis à THOMA Scientiis inscribenda. Verùm THO-
MAS CrySTALLI naturam secutus, infima colere, sublimi
M. ALBERTI doctrinæ mentem Angelicam subdere elegit.
Felix eiusmodi Theopompò Isocrates! qui si ex investiga-
tione rerum Naturæ, non satis mundo nosceretur, THO-
MAS ipsi ad commendationem satis. Fluxit ab ubertate
ingenij Platonis, cæruleus Scientiarum Pontus, sed hunc
THOMAS CrySTALLinum fecit. Manavit abundè Aristoteli
Eurippus, sed turbidus & vorticosus. donec ipsi Cry-
STALLUS THOMAS infuderit claritatem. Cùm omnia affla-
tu Divino didicisset, scientiâ inflari nescivit. Vnde inter
Socraticos tumultus, dum silentium servat, Bovis nomen
audiat.

audit. Advertite clamosi Philosophantes? forsan Taurum dixisse voluistis THOMAM? si sic! bene est; Montem intelligitis? an Signum cæleste? uterque conformis Crystallo, ille locò, hic influxu. Sed his missis; utique Aheneus lebes, minimo tactu sonat; aurum percussum filet. Gemma servata in concha, suo tempore pretium dabit. Bos est THOMAS! sed qui terribiliùs, quàm olim 2dò Romæ Punicò bellò mugiet, contra hæresim: *Cave tibi Hydra!* Bos est! sed qui non iugò, aſt iugì speculatione defudans, arenam literariam ad auream ſcientiarum meſſem exculturus. Melior interpres naturæ rerum ALBERTVS, attendite? quid ſentiat de THOMA! *Tu mihi non reſpondentis, ſed Doctòris locum obtinere videris.* Ita eſt Magne rerum Arbitrator, Cryſtallus THOMAS, abſtruſa elucidaſ, obſcura illuminat, & difficillima quæque evidenter in ſe transparere facit.

Quantum Luteria à ſui nominis etymo diſtaret, ubi intra ſe Cryſtallus conſtitiffet. Negavit ampliùs lutoſis ſe circumſcribi paludibùs. Cum toto Orbe de pulchritudine contendere viſa; Monte Pyreneo, qua parte ſibi adiacet, & Principes florum Lilia, & Cryſtalli nitorem iactando. Iam tum in Gallia, ex claritate Cryſtalli Liliis cognata, meridiem ſemper habuit Occidens, quem Sol in meditullio Cordis THOMÆ radians accendebat. Pallas Gallicana, quomodo tantum interciperet ardorem, umbriferas parabat laurus, Sacris THOMÆ temporibus imponendas; ut vel his nimium fervidi eius pectoris æſtum temperaret. Quas cùm reſpuit, & poſcentium renititur votis; fortè ex apprehenſione mentis, non honoris, claudit in ſomnum oculos; & ecce cælitus miſſum ad ſe videt Nuntium: qui vix pro honore perorare incipit; THOMAS claudit & aures; & niſi venerandi Senis mandata exequi cogeretur, ſomnium vanum & inane phantaſma putaret.

Quàm pulchrè & dignè emineret in Theologica Cathedra Cryſtallus THOMAS, Spectatorem an Auditorem cæleſtes habuit Genios. Adſtiterat Claviger PETRVS, & Vas electionis PAVLVVS; ille doceri ambiens, quomodo Cryſtallinus poſſet fieri; hic ad triumphales Eccleſiæ ignes, co-

ruscum præferendo acinācem? Quis iam Cryſtallum THOMAM, vel vi potenti frangere, vel nova perplexitate obſcurare poterit? cū ex Petra Eccleſiæ in novum robur coaluerit, & ex Vase Electionis, hæc, quæ nec auris audivit, nec in cor hominis deſcendit, clarè imbiberit. Quæ Stygiis caput extulerat undis infernalis Hydra, ut fæcundiùs germinaret & germinaret Hæreſeos monſtra; igne Phæbeo per Cryſtallum THOMAM ſuppreſſa & aduſta, ore buccinanti, per ſuum Bucerum, quaſi receptui canere, inter triumphos Eccleſiæ viſa. *Tolle THOMAM & diſſipabo Eccleſiam.* Horrendus immanis belluæ rictus, adſtrepere capit triumphanti Eccleſiæ, auxit triumphum THOMAS, publicâ ad Menſam Regiam acclamatione. *Concluſum eſt contra Manicheos.*

Tantam virtutem effudit in Hæreticos, ut ſine ægra oculorum ophtalmia illum intueri nequirent; cūq; ſe ad Orci tenebras reciperent, doctis fudit literas codicibus, ut illorum nomen obliteraret. Inter magna Opuſculorum volumina, plurimos indevio eruditionis tractu conſcripſit Tractatus & ſummam Theologicam collegit. Nihil enim niſi ſummum ſcribere poterat, à Magno edoctus. Id ipſum ſummus in Cathedra Crucis Doct̃or approbans: *Beneſcripſiſti de me THOMA!* quaſi iam ſcriptis Angelici Doct̃oris approbandis in terra deeſſet Cenſor. O felix Bene! quod ter Optimus protulit; ô Cryſtallinas THOMÆ lucubrationes! quæ lucis inaccessæ Maieſtati conformes & accommodæ. Exeſte hinc eloquentiæ lumina? nil niſi umbras dabit in præconia THOMÆ, qui ipſum DEVM meruit habere Laudatorem. Adverte quiſquis claritatem ſapientiæ Divinæ, in Cryſtallo THOMA videre non viſ? Ipſe CHRISTVS, qui eſt dilectus & Candidus, vellet eſſe Cryſtallinus, niſi illum crudelitas rubicundum in Cruce præſentaret.


Sic honoratum THOMAM, Neapolitana Tiara ultrò exambit; quaſi contenderet cum lauru, volens ſupra hanc in THOMA eminere. Sed alibi triumphans, hîc fugit certamen honorum. O Sanctam humilitatem! Monſtrorum
Ere-

Erebi debellator! Archipræsuleâ Cruce insigniri noluit; for-
san nè triumphò superbire videretur. O THOMAM verè
CrySTALLUM! nè nitorem abscondat, in purpura fulgere re-
cusat. Pontificale non acceptat Pedum, ut faciliùs versa-
ret calamum. Purpuram respuit, ut liberiùs doctis impal-
lesceret libris. Sed proh dolor! mox & lethali impalluit
morbò. Nimirum ad Lugdunense deputatus Concilium,
ut nitore suo fædos Orci disijciat carbones; ipse debilitatis
circumvoluitur umbrâ. Aegritudine lassus in Novam inci-
dit Fossam, nè CrySTALLUS extra profunditatis antrum unquam
reperiatur. Sed impar Abyssò THOMÆ Fossa! Cælo red-
dit, quod Cæli erat.

Tibi primùm gratulor militans Sanctissima Omnium
Nostrum Mater Ecclesia; quòd in CrySTALLO THOMA cer-
tissima habeas triumphandi arma. Tartarea potentia, nus-
quam audebit virulenta tibi opponere castra; Sanctior hic
Archimedes, illa comburet virtute CrySTALLI; & tibi trium-
phales accendet ignes. Fauces Averni, si quam effutire vo-
lent in Te caliginem, radians in CrySTALLO Phæbus illam dis-
cutiet; & nitebis, purior amicta Sole. In tuæ laudis im-
mensa luce Candidissime Prædicatorum Ordo, hallucina-
tur umbratilis facundia; nunquam clarior futura, quàm si
venerabundum servabit silentium. Gestas quippe in sinu tuo
eiusmodi CrySTALLUM, ad cuius nitorem, Oratorij disparent
colores, & Eloquentiæ extingvuntur lumina. Tui fulgore
radiat septicollis Roma; & vetus Albula nitidâs intumescit
vndâs; cui dum fat abundè CrySTALLINAS infuderis aquas;
voluit Augusta Summorum Pontificum Nomina; Cardinaliũ
Murices, Tiaras & Doctorales Mitras. Ergo tu ipse iam ap-
plaudes virtuti & felicitati tuæ; cuius honori assurgit, quatu-
or seculorum venerandâ canitie gravis, prima Regni Scho-
la; in tuo candore CrySTALLUM veneratura. Candidè
profiteatur, non aliter fontes sui Castalios illimes fore,
nisi Aquinaticis THOMÆ alluantur aquis; qui se vitâ,
moribûs, & Angelica puritate CrySTALLUM probavit,

D I X I.






te,
M
o-
m
o
es
er
ne
a-
ut

10
c.

y-
ti-
e-

卷之四



22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

